

## UPUTSTVO ZA PACIJENTA

### HEXTEND

rastvor za usnu sluznicu

1 mg/ml

heksetidin

**Pažljivo pročitajte ovo uputstvo, jer sadrži informacije koje su važne za Vas.**

Ovaj lijek se može nabaviti bez ljekarskog recepta. Međutim, neophodno je da pažljivo koristite lijek Hextend, da biste sa njim postigli najbolje rezultate.

- Sačuvajte uputstvo. Može biti potrebno da ga ponovo pročitate.
- Ako imate dodatnih pitanja, obratite se svom farmaceutu.
- Ako se Vaši simptomi pogoršaju ili Vam ne bude bolje, morate se obratiti svom ljekaru.
- Ako neko neželjeno dejstvo postane ozbiljno ili primijetite neko neželjeno dejstvo koje nije navedeno u ovom uputstvu, molimo Vas da o tome obavijestite svog ljekara ili farmaceuta.

#### **U ovom uputstvu pročitaćete:**

1. Šta je lijek Hextend i čemu je namijenjen
2. Šta treba da znate prije nego što počnete koristiti lijek Hextend
3. Kako se upotrebljava lijek Hextend
4. Moguća neželjena dejstva
5. Kako čuvati lijek Hextend
6. Dodatne informacije

#### **1. ŠTA JE LIJEK HEXTEND I ČEMU JE NAMIJENJEN**

Lijek Hextend sadrži heksetidin, koji ima antibakterijsko i antifungalno dejstvo (djeluje na bakterije i gljivice) i koristi se za liječenje infekcija usta i grla, uključujući ranice u ustima (afte), glivične infekcije (kandidu), krvarenje desni (*gingivitis*), neprijatnog zadaha ili upale grla. Može se koristiti i prije ili nakon stomatoloških intervencija ili hirurških intervencija ždrijela za sprječavanje pojave infekcija.

#### **2. ŠTA TREBA DA ZNATE PRIJE NEGOT POČNETE KORISTITI LIJEK HEXTEND**

Ovaj lijek je pogodan za upotrebu kod većine ljudi, ali ga ipak ne mogu svi koristiti. Ako imate bilo kakvu nedoumicu pri korištenju ovog lijeka, obratite se svom ljekaru ili farmaceutu.

#### **Lijek Hextend ne smijete koristiti:**

- ako ste bilo kada imali alergijsku reakciju (preosjetljivost) na heksetidin ili bilo koji sastojak lijeka.

#### **Tokom korištenja lijeka Hextend, posebno vodite računa:**

- ako Vam se upala pojača, liječenje treba prekinuti.

Ako se nešto od gore navedenog odnosi na Vas, posavjetujte se sa svojim ljekarom ili farmaceutom.

#### **Primjena drugih lijekova**

*Kažite svom ljekaru ili farmaceutu ako koristite, ili ste donedavno koristili bilo koji drugi lijek, uključujući i one koji se mogu nabaviti bez ljekarskog recepta.*

Nisu poznate interakcije ovog lijeka sa drugim lijekovima.

#### **Korištenje lijeka Hextend sa hranom ili pićem**

Do sada nije poznato da neka vrsta hrane ili pića utiče na dejstvo rastvora Hextend za usnu sluznicu.

#### **Primjena lijeka Hextend u periodu trudnoće i dojenja**

Posavjetujte se sa ljekarom ili farmaceutom prije nego što počnete da koristite lijek Hextend ako ste trudni ili dojite.

#### **Trudnoća**

Nisu sprovedene kontrolisane studije na ljudima. Međutim, na osnovu rezultata istraživanja sprovedenih na životinjama, kao i teoretski zanemarljivo male sistemske resorpcije, smatra se da je mala vjerovatnoća da bi upotreba heksetidina u toku trudnoće predstavljala rizik za plod.

### **Dojenje**

Nije poznato da li heksetidin prelazi u mlijeko dojilja, ali s obzirom na zanemarljivo male količine za koje se pretpostavlja da se mogu naći u krvotoku (sistemskoj cirkulaciji) majke, mala je vjerovatnoća da bi one predstavljale rizik za dojenče.

### **Uticaj lijeka Hextend na upravljanje motornim vozilom i rukovanje mašinama**

Nije poznato da preparat ima uticaj na sposobnost upravljanja motornim vozilom i rukovanje mašinama.

### **Važne informacije o nekim sastojcima lijeka Hextend**

Ovaj lijek sadrži amarant (E 123) koji može izazvati alergijske reakcije.

Ovaj lijek sadrži 595,8 mg etanola po dozi (u 15 ml rastvora). Štetan je za osobe koje boluju od alkoholizma. Treba imati u vidu da u sastavu lijeka Hextend se nalazi alkohol prilikom upotrebe kod trudnica ili dojilja, djece i visokorizičnih grupa pacijenata kao što su pacijenti sa bolestima jetre ili epilepsijom.

## **3. KAKO SE UPOTREBLJAVA LIJEK HEXTEND**

Hextend je namijenjen za lokalnu primjenu i ne smije se gutati, odnosno, piti.

### *Djeca mlađa od 6 godina*

Lijek Hextend se ne preporučuje za upotrebu kod djece mlađe od 6 godina.

### *Odrasli i djeca starija od 6 godina*

Ispirati usta ili grlo sa najmanje 15 ml (1 supena kašika) rastvora dva ili tri puta dnevno ili u skladu sa preporukom ljekara.

### *Osobe starije dobi*

Doziranje kao kod odraslih.

Rastvor nemojte razblaživati!

Rastvor nemojte gutati!

### **Ako ste primijenili više lijeka Hextend nego što je trebalo**

Ako Vi ili neko drugi slučajno proguta ovaj lijek, javite se ljekaru ili u najbližu bolnicu. Ponesite ovo uputstvo i pakovanje lijeka sa sobom.

### **Ako ste zaboravili da primijenite lijek Hextend**

Ako ste zaboravili da primijenite lijek Hextend, sljedeću dozu primijenite čim se sjetite. Ako je uskoro vrijeme za sljedeću dozu, primijenite je po uobičajenom rasporedu.

*Nikada nemojte primijeniti duplu dozu da nadomjestite propuštenu!*

### **Ako naglo prestanete da koristite lijek Hextend**

Nije primjenljivo.

*Ako imate bilo kakvih dodatnih pitanja o primjeni ovog lijeka, obratite se svom ljekaru ili farmaceutu.*

## **4. MOGUĆA NEŽELJENA DEJSTVA**

Lijek Hextend može, kao i svi drugi lijekovi, izazvati neželjena dejstva, premda ne kod svih.

**Ako Vam se javi nešto od navedenog prestanite sa korištenjem lijeka Hextend i javite se ljekaru:**

- otok lica, usana, usta, jezika ili grla koje može dovesti do otežanog disanja i gutanja
- alergijske reakcije, uključujući osip
- iritacija, peckanje ili utrnulost jezika i/ili sluzokože usta
- gušenje
- kašalj
- suvoća usta

- mučnina i povraćanje
- uvećanje pljuvačnih žljezda
- gubitak ili poremećaj ukusa
- bol, otok, crvenilo ili vrućina
- promjena boje jezika i zuba
- plikovi ili čirevi.

#### **Prijavljivanje sumnje na neželjena dejstva lijeka**

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

#### **5. KAKO ČUVATI LIJEK HEXTEND**

*Čuvati van domašaja i vidokruga djece!*

##### **Rok upotrebe:**

2 godine.

##### **Čuvanje:**

Čuvajte na temperaturi do 25°C. Nemojte zamrzavati.

Nakon otvaranja lijek čuvajte na temperaturi do 25°C i upotrijebite u roku od 6 mjeseci.

Lijekove nemojte bacati u kanalizaciju, niti kućni otpad. Pitajte svog farmaceuta kako da uklonite lijekove koji Vam više nisu potrebni. Ove mjere pomažu očuvanju životne sredine.

#### **6. DODATNE INFORMACIJE**

##### **Šta sadrži lijek Hextend**

##### **Aktivna supstanca je:**

1 ml rastvora za usnu sluznicu sadrži:  
heksetidin 1,0 mg.

##### **Pomoćne supstance su:**

Etanol 96%; polisorbat 80; limunska kiselina, bezvodna; saharin-natrijum; etarsko ulje pitome nane; etarsko ulje anisa; levomentol; metilsalicilat; etarsko ulje karanfilića; etarsko ulje eukaliptusa; boja: amarant (E 123, C.I. 16185); voda, prečišćena.

##### **Kako izgleda lijek Hextend i sadržaj pakovanja**

Bistar rastvor, crvene boje, karakterističnog mirisa na etarska ulja.

Plastična boca sa sigurnosnim zatvaračem.

Boca sadrži 200 ml rastvora.

##### **Režim izdavanja lijeka**

Lijek se izdaje bez ljekarskog recepta.

##### **Proizvođač (administrativno sjedište)**

Hemofarm A.D. Vršac  
Beogradski put bb, Vršac, Republika Srbija

##### **Proizvođač gotovog lijeka (mjesto puštanja lijeka u promet)**

Hemofarm A.D. Vršac  
Beogradski put bb, Vršac, Republika Srbija

##### **Nosilac dozvole za stavljanje gotovog lijeka u promet**

Hemofarm proizvodnja farmaceutskih proizvoda d.o.o. Banja Luka  
Novakovići bb, Banja Luka, BiH

**Broj i datum dozvole za stavljanje gotovog lijeka u promet**

Hextend 200 ml (1 mg/ml) rastvor za usnu sluznicu: 04-07.3-2-6654/21 od 14.10.2022